

Tiara Air tey bek despues di algun contra tiempo cuminsando su vuelonan pa Venezuela

ORANJESTAD (AAN): Den entrevista cu Alejandro Muyale di Tiara Air a logra un declaracion relaciona cu e situacion di aviacion y nan compania cu ta creciendo bek despues di algun contra tiempo cu nan a haya nan mes aden. Kier a tende for

di e gerente riba e prome destinacionnan cu a cuminsa cune atrobe den forma oficial y cu ki tipo di avion.

Como CEO Alejandro Muyale ta contento cu nan ta bek den servicio. Tin un trayectoria tras di lomba y awor tambe padilanti tin

otro trayectoria. A haya nan certificado bek. A cuminsa bek cu 50 empleado den diferente seccion. E intencion ta pa duna servicio pasobra e hendenan a haya nan falta masha hopi. Kier anjadi mas ruta den futuro pero ta cuminsa bula pa Venezuela.

Cu Boeing 737 lo cuminsa bula y djey lo cuminsa cu e avionnan short 360.

Mester evalua cada ruta prome cu nan cuminsa un ruta nobo. Ta bula charter y tambe servicio unda ta move hende pa un wholesaler di un otro pais pa otro pais. E mercado



mester mira prome e cantidad di pasahero cu tin pa esaki. Tambe mester mira e costo di operacion si e ruta ta rendable. Tin varios ruta interesante. Tin espacio pa tur aerolinea. Si tur hende traha di buena fe tur compania lo keda saludable segun Alejandro Muyale.

E intencion ta pa e simannan nos dilanti acerca cu esnan cu nan debe pa paga e debe bieu. Nan tabata tin 150 trahador y awor ta biniendo bek cu 50. Lo siña di cosnan di pasado segun Alejandro Muyale. E problema mas grandi tabata e ruta di Venezuela y awor nan a coy e ruta aki bek como nan prome destinacion. E tin un forma con nan lo handle cu esaki pa evita cu nan lo pasa den mesun situacion atrobe. Nan a pasa henter un proceso largo pa re-certifica. Mester a mira si e regulacion e compania ta cumpli cune.

Hopi hende a compronde e situacion di Tiara. Asina mes tin hende cu no tabata compronde. Nan a bai tras di dos acuerdo entre dos pais y cu nan lo manda placa mensualmente. Pero esaki a bira mucho largo y para full. Mester a para operacion y atende cu esnan cu nan debe. Alejandro Muyale a splica cu nan mester convence tur hende cu nan lo tey bek.